



Aatsitassarsiortoqarnissaanut aammalu suliffissuaorujussualiortoqarnissaanut siunissami periarfissaalersinnaasut tunngavigalugit nunatsinnut tikiisillugit suliaortitassatut pisariaqartinneqarumaartussat pillugit ersarissaassutaasumik nalilersuinernullu atorneqarsinnaasumik Inatsisartut 2014-mi ukiakkut ataatsimiinneranni saqqummiunneqartussamik Naalakkersuisut nassuiaasiornissaannik aalajangiiffigisassatut siunnersuut. Nassuiaammi ilaatinneqassapput isumaginninnikkut, kulturikkut aammalu ulluinnarni inuunermi kingunerusinnaasutut naatsorsuutigineqartut. Naalakkersuisut qinnuigineqarput nassuiaat naggaserneqassasoq sulisussanik pisariaqartitsinerup ersarissarneqarneranik tassungalu atatillugu kalaallit piginnaasaannut, sulilernissaminnut piareersimassusaannut aammalu nuttarsinnaanermut piareersimassusaannut tunngassuteqartut ersarissitinneqarnerannik.

(Inatsisartuni ilaasortat Knud Kristiansen aamma Gerhardt Petersen, Atassut)
(Siullermeerneqarnera)

Demokratit paasivaat, Naalakkersuisut siunnersuut matumani pineqartoq tapersersoraat. Akimmiffissaqartinngilarput, Naalakkersuisut nassuiaasiornissaannik aalajangiiffigisassatut siunnersuusiortoqassappat, aatsitassarsiortoqarnissaanut aammalu suliffissuaorujussualiortoqarnissaanut siunissami periarfissaalersinnaasut tunngavigalugit nunatsinnut tikiisillugit suliaortitassatut pisariaqartinneqarumaartussat pillugit ersarissaassutaasumik nalilersuinernullu atorneqarsinnaasumik. Taamaattumik siunnersuut tapersersorparput inuussutissarsiornermut ataatsimiititaliamut innersuullugu.

Forslag til Inatsisartutbeslutning om at Naalakkersuisut til EM14 pålægges at udarbejde en redegørelse, der skal belyse og analysere det fremtidige behov for udefrakommende arbejdskraft i forbindelse med mulige råstofprojekter og storskalaprojekter. Redegørelsen bør ligeså beskrive de mulige sociale, kulturelle og praktiske konsekvenser ved en stor tilgang af udefrakommende arbejdskraft. Redegørelse bedes afsluttet med en perspektivering, der sammenstiller arbejdskraftsbehovet, med den grønlandske arbejdskrafts kvalifikationer, arbejdsparathed og mobilitet.

(Medlemmer af Inatsisartut, Knud Kristiansen og Gerhardt Petersen)
(1. behandling)

Demokraterne konstaterer, at Naalakkersuisut bakker op dette forslag. Vi har intet imod, at der bliver udarbejdet en redegørelse, der skal belyse og analysere det fremtidige behov for udefrakommende arbejdskraft i forbindelse med mulige råstofprojekter og storskalaprojekter. Derfor støtter vi forslaget og henviser det til Erhvervsudvalget.